



Arkivnr: 2015/2502-3

Saksbehandlar: Hanne Espe

## Saksframlegg

### Saksgang

| Utval  | Saknr. | Møtedato   |
|--|--------|------------|
| Utval for kultur, idrett og regional utvikling |        | 19.01.2016 |

## Høyringsfråsegn. Kommunedelplan for idrett, fysisk aktivitet og friluftsliv Eidfjord kommune

### Samandrag

Eidfjord kommune har sendt kommunedelplan for idrett, fysisk aktivitet og friluftsliv til offentlig ettersyn. Høyringsfristen er sett til 15.januar 2016.

Kommunedelplan for idrett, fysisk aktivitet og friluftsliv er ein tematisk plan som har status som kommunedelplan med heimel i plan- og bygningslova §11-1. Kulturdepartementet set følgjande krav i Føresegner om tilskot til anlegg for idrett og fysisk aktivitet – 2015, punkt 2.2.7: *Det er eit vilkår for å kunne søke om spelemidler at anlegget er ein del av ein vedteken kommunal plan som omfattar idrett og fysisk aktivitet.*

### Forslag til vedtak

1. Hordaland fylkeskommune meiner at mål, strategiar og handlingsprogram svarer på aktuelle utfordringar i Eidfjord kommune, og rår til at gjennomføringa av kommunedelplanen vert prioritert i økonomiplanen.
2. Hordaland fylkeskommune rår til at det vert gjort justeringar og presiseringar i planen i tråd med merknadene i saka.

Rune Haugsdal  
fylkesrådmann

Per Morten Ekerhovd  
konst. fylkesdirektør kultur og idrett

*Saksframlegget er godkjent elektronisk og har derfor inga underskrift.*

## Fylkesrådmannen, 05.01.2016

### Bakgrunn

Eidfjord kommune har sendt kommunedelplan for idrett, fysisk aktivitet og friluftsliv til offentlig ettersyn med høring fram til 15. januar 2016.

Kommunedelplan for fysisk aktivitet, idrett og friluftsliv er ein tematisk plan som har status som kommunedelplan med heimel i plan- og bygningslova §11-1 *Kommunen skal ha en samlet kommuneplan som omfatter samfunnsdel med handlingsdel og arealdel. Kommuneplanen skal ivareta både kommunale, regionale og nasjonale mål, interesser og oppgaver, og bør omfatte alle viktige mål og oppgaver i kommunen. Den skal ta utgangspunkt i den kommunale planstrategien og legge retningslinjer og pålegg fra statlige og regionale myndigheter til grunn. Det kan utarbeides kommunedelplan for bestemte områder, temaer eller virksomhetsområder. Kommuneplanen skal ha en handlingsdel som angir hvordan planen skal følges opp de fire påfølgende år eller mer, og revideres årlig. Økonomiplanen etter kommuneloven § 44 kan inngå i handlingsdelen.*

Kulturdepartementet set følgjande krav i Føresegner om tilskot til anlegg for idrett og fysisk aktivitet – 2015, punkt 2.2.7: *Det er eit vilkår for å kunne søke om spelemidlar at anlegget er ein del av ein vedteken kommunal plan som omfattar idrett og fysisk aktivitet.*

Kulturdepartementet har utarbeidd ein eigen rettleiar for utarbeiding av kommunedelplanar for idrett og fysisk aktivitet; «Kommunal planlegging for idrett og fysisk aktivitet» (V-0798, revidert utgåve 2014).

I brev av 1. desember 2015 gjer Kulturdepartementet følgjande presiseringar:

- *«Fylkeskommunen kan ikke underkjenne/avslå vedtak om kommunal plan gjort i kommunestyret (med hjemmel/som følge av spillemiddelordningen). Men kan velge å ikke prioritere anlegget i tildelingen.*
- *Når dokumentasjon på anleggets plass i kommunal plan ikke foreligger ved idrettsfunksjonell forhåndsgodkjenning skal det i forhåndsgodkjenningen forutsettes at dette foreligger dokumentert ved søknad om spillemidler. Hvis ikke dette foreligger skal ikke spillemiddelsøknaden godkjennes.*
- *Der hvor gjeldende kommunal plan er utgått skal det forutsettes i idrettsfunksjonell forhåndsgodkjenning at anlegget er tatt inn i ny plan før spillemiddelsøknad sendes. Dokumentasjon må foreligge for at spillemiddelsøknaden kan godkjennes.»*

### Regionale retningslinjer og vurderingar:

For ei effektiv gjennomføring av den regionale politikken i Hordaland er samspelet med stat og kommunar avgjerande. I handsaminga av planframlegget vurderer difor fylkesrådmannen i kva grad kva grad det samsvarer med vedteken regional politikk på feltet, jf Regional kulturplan for Hordaland 2015-2025.

Regional kulturplan har som mål å leggje til rette for auka fysisk aktivitet for innbyggjarane i heile Hordaland og føreset mellom anna at dei viktigaste satsingane på idrett, fysisk aktivitet og friluftsliv vert initiert i lokalsamfunn og kommunar. Det er eit sentralt prinsipp å leggje til rette for aktivitets- og anleggsutvikling basert på lokale behov, og dei viktigaste drivkreftene i slike prosessar skal vere innbyggjarane i lokalsamfunna, lag, organisasjonar, skulane mv. Ein godt samordna og forma kommunedelplan som er i samsvar med den regionale politikken er eit tenleg reiskap for å sikre slike samarbeid og for å fremje fysisk aktivitet i kommunen.

### Kap 1 Innleiing

Fylkeskommunen stiller seg positiv til at tittelen no er endra til kommunedelplan for idrett, fysisk aktivitet og friluftsliv, for å tydeleggjere prioriteringa og skape eit breiast mogleg eigarskap til planen.

Gjer merksam på at Kultur og kyrkjedepartementet har endra namn til Kulturdepartementet.

I tillegg oppmodar fylkeskommunen til å skrive litt utfyllande om behov og føremål for planen (kap 1.1 Bakgrunn)

I kap. 1.2 Definisjonar er det tilstrekkeleg å liste opp nærmiljøanlegg og ordinære anlegg, då nasjonale anlegg ikkje har relevans og friluftsanlegg ikkje er noko eigen kategori. Gjeld også i kap 10.1.

## **Kap 2 Utviklingstrekk i kommunen**

Dette skal vere ein plan der aktivitetutvikling skal vere styrande for kva anlegg som skal prioriterast. Dette må tydeleggjerast.

I kap 2.1 viser tabellane statistikk der det vert inndelt i aldersgruppene 16-66 år. Dette er ei stor gruppe med særskilte behov, og statistikken vert såleis vanskeleg å bruke på ein konstruktiv måte. Ein bør også tilføre referansar.

Utviklingstrekk i kommunen bør supplerast med t.d. tal frå folkehelsekartlegginga. Det kan også vere aktuelt å trekke inn statistikk eller data frå andre fagområder i kommunen eller nasjonale tal og analysemateriale.

## **Kap 3 Målsetjing for kommunen sin idretts- og friluftslivspolitik**

Det er positivt at planen vert sett i samanheng med overordna kommunale planar.

Det bør vurderast å legge til nytt delmål knytt til drift og vedlikehald av idretts- og friluftslivsanlegg.

## **Kap 4 Verkemiddel**

I kap 4.2 bør det nemnast fleire ulike fylkeskommunale tilskotsordningar som kan vere aktuelle. Sjå [www.hordaland.no/tilskot](http://www.hordaland.no/tilskot)

## **Kap 6 Tilhøve til andre kommunale planar**

I dette kapitlet bør det nemnast andre relevante kommunale planar, t.d. trafikksikringsplan, velferdsplan, opplæringsplan o.l. I tillegg bør lover og forskrifter og statlege og fylkeskommunale føringar nemnast.

## **Kap 8 Status i Eidfjord kommune**

Kommunen bør prioritere å vurdere universell utforming av eksisterande anlegg (Jf tabell 8.1).

I kap 8.2 bør tabellen fyllast ut med medlemstal til alle organisasjonane. Dette er viktig i vidare samhandling og for realisering av planen.

## **Kap 9 Analyse av behov for aktivitet og anlegg**

Frå 2018 vil det vere eit krav frå Klima- og miljødepartementet om å ha gjennomført ei kartlegging og verdisetting av friluftsområder for å kunne søke om statleg medverknad til sikring av friluftsområder. Fylkeskommunen oppmodar til at kartlegging og verdisetting av friluftsområder vert implementert som eit delmål i planen.

For å auke bruken av eksisterande turløyper, bør det vurderast lyssetjing (Jf regional kulturplan). Dei i nærmiljøet bør prioriterast.

Planen vil verte eit betre styringsverktøy dersom det vert lagt til kart og bilete som viser oversikt over anlegg og friluftsområder i kommunen.